


明治五歲新鐫

讀本
元明史略 全四冊

鹿兒嶋縣刊行



一日獲明舒弘諤所著古今
全史者讀之其書趙宋以前

與曾氏十八史略大抵相似

其體裁雖不同若其事實則

大同小異至元明二史之略


則曾氏之書又所未有也余

明治五歲新鑄

讀本

元明史略 全四冊

鹿兒嶋縣刊行



日獲明舒弘諤所著古今

全史者讀之其書趙宋以前

與曾氏十八史略大抵相似

其體裁雖不同若其事實則

大同小異至元明二史之略

則曾氏之書又所未有也余



嘗欲錄其元以後。授讀十八
史略者。使之備覽古今。然舒
氏之書。過略於元。獨存名號
歲月。廼所載者。不過文謝二
子節義。武宗贈大成。順帝遙
荒等若干事。洪武以後。稍詳。

然僅止於泰昌新政。顧在初
學。猶不能無憾焉。故竊取薛
氏通鑑。袁氏綱鑑。十九史略。
及明史紀事。明季遺聞。名山
藏等書。於元則補其過畧者。
於明則按訂其同異。且畧載

天啓至明亡題曰元明史略
以授童蒙求我者云寶曆改
元之冬

後藤世鈞題

增補元明史略卷之一

日本 讚岐 後藤世鈞 編次
平安 藤原正臣 增補

元

世祖皇帝姓奇渥温氏名忽必烈憲宗母弟也其先世為

蒙古部長補元之先曰守端又兒其母阿蘭果火生二子

又兒其季也其後子孫蕃衍至也速該吞併諸部始強大

子鐵木真深沈有大略用兵如神滅國四十遂平西夏定

西域以宋開禧二年稱帝在位二十二年而殂廟號太祖

用兵如神

補也速該死子鐵木真年幼其部衆多歸於族人秦赤烏
部秦赤烏合七部人凡三萬攻之鐵木真大戰敗之部衆
因悉歸秦赤烏部遂徵鐵木真初以乃蠻部強盛事之甚
謹乃蠻反侵略之鐵木真乃大會屬部戰乃蠻敗諸部悉

潰鐵水真益盛強遂攻西夏平子太宗窩闊台立有寬弘

之量委任賢相耶律楚材庶民樂業時稱治平約宋滅金

國勢愈昌焉在位十三年楚材字晉卿遼東月王突欲

也為元中書令及卒追封康寧王謚文正補太宗既殂

皇后乃馬真氏臨朝稱制不立君者四年乃議立貴由子

定宗貴由立三年殂從弟憲宗蒙哥立剛明雄略沈斷寡

言不樂飲宴不好侈靡善用兵南征至釣魚山而殂憲宗

之子太祖之孫也補定宗既殂皇后海迷失抱太祖第四

子曲出之子失烈門聽政諸王大臣皆不服後二年大臣

共議推太宗弟拖雷之長子蒙哥立之是為憲宗憲宗既

立追尊其考拖雷為帝廟號睿宗失烈門及諸弟心不能

取主謀者誅之政始歸一在位九年弟忽必烈立是為

世祖仁明英睿事母至孝以至元十六年平宋天下為一

母曰莊獻太后怯烈氏補憲宗既殂世祖南征在鄂州聞

阿藍答兒等謀立世祖弟阿里不哥乃北遷至開平諸王

大臣同勸進遂即位建元中統至元

元年入都于燕八年建國號曰大元

丞相文天祥北去天祥痛恨不食八日猶生丞相孛羅召

見天祥長揖不屈孛羅曰德祐幼君非爾君耶棄嗣而立

二王忠乎天祥曰德祐吾君也不幸失國當此之時社稷

為重君為輕二王之立所以為宗廟社稷計孛羅曰汝立

二王做得甚事天祥曰國家不幸喪亡吾立君以存宗廟

存一日則盡一日臣子之責人臣事君如子事父母父母

有疾雖甚不可為豈有不下藥之理盡吾心焉不可為則

天命也今日天祥至此有死而已何必多言孛羅怒命囚

于獄作正氣歌曰天地有正氣雜然賦流形下則為河瀆

上則為日星於人曰浩然沛乎塞蒼冥皇路當清夷含和

正氣歌

社稷為重君為輕

去歲十月...

吐朝廷時窮節乃見一一聖丹青在齊太史簡左傳齊太史書崔杼

弑君崔子殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還在晉

董狐筆左傳趙穿弑晉靈公董狐書曰趙盾弑其君孔子曰董狐古之良史也書法不隱在秦張

良推秦始皇東遊至博浪沙中張良為韓報仇令力士操鐵椎擊始皇誤中副車在漢蘇武節

漢蘇武使匈奴單于欲降之武不屈乃幽武北海無人為嚴將

軍頭嚴顏為劉璋守涪州張飛破之顏被獲飛曰何不早降答曰無降

將軍為愁侍中血晉惠帝時嵇紹為侍中帝既蒙塵軍衛皆潰散紹以身捍御輦飛矢兩集遂遇

害血濺帝衣左右欲流之帝曰此嵇侍中血勿去之為張睢陽齒唐安祿山反張巡起兵討賊與許遠

同守睢陽大小四百戰糧盡城陷罵賊而死尹子奇以刀割其口齒存者三四為顏常山舌唐顏

為常山太守安祿山反景卿拒戰被獲乃罵曰羯狗何不速殺我祿山怒縛之橋柱罵不絕口賊斷其舌或為

遼東帽清操厲冰雪管寧當漢魏之際居遼東二十一年孟觀薦之明帝安車蒲輪聘之不至家

貪好學在家常著皂帽衣裾而已或為出師表鬼神泣壯烈亮也或為渡

江楫慷慨吞胡羯晉五胡雲擾豫州刺史祖逖渡江中流擊楫而誓曰吾生不能清中原而復濟

者有如或為擊賊笏逆豎頭破裂唐朱泚反召段秀實議欲借號秀實唾此而罵

此江曰狂賊吾恨不斬汝萬段豈從汝反耶以是氣所磅礴

列萬古存當其貫日月生死安足論地維賴以立天柱賴

以尊三綱實繫命道義為之根嗟予遘陽九隸也實不力

楚囚纓其冠傳車送窮北鼎鑊甘如飴求之不可得陰房

闕鬼火春院闕天黑牛驥同一皁羸也雞栖鳳凰食一朝

蒙霧露分作溝中瘠如此再暑寒百沴自辟易哀哉沮洳

場為我安樂國豈有他繆巧陰陽不能賊顧此耿耿在仰

視浮雲白悠悠我心憂蒼天曷有極哲人日已遠典刑在

擊日本

郭守敬新曆

宿昔風簷展書讀古道照顏色補十七年十月命右丞相

阿剌罕右丞范文虎等發兵擊日本補十一月行授時曆

郭守敬等以為漢以後曆法經七十改汴宋舊儀今多不

協乃與南北日官陳鼎臣等創造儀像徧參曆法酌取中

數成新曆上之其法視古皆密可以施之永久而無弊賜

名曰授時頒之天下補十八年二月皇后弘吉刺氏崩后

性明敏達於事機國家初政左右匡正與有力焉四怯薛

奏怯薛者猶漢言分番宿衛也太祖功臣博爾忽割京城

近地牧馬帝許之后將諫陽貴太保劉秉忠曰汝何不諫

若初定都時以地牧馬則可今軍民分業已定奪之可乎

事遂止宋亡幼主入朝后不樂帝曰江南平自此不用兵

甲人皆喜之爾何獨不樂后曰自古無千歲之國母使吾

母子及見此則幸矣帝以宋府庫物置殿庭召后視之后

一視而反帝問后何欲后曰宋人貯蓄以貽子孫不

能守而歸於我我又何忍取之耶宋太后全氏至京不習

風土后屢奏乞令回江南帝不允后退亦厚待之○三月

集賢大學士兼國子祭酒致仕許衡卒衡嘗語其子曰我

平生虛名所累竟不能辭官死後慎勿請謚勿立碑但書

許某之墓四字使子孫識其處足矣及卒朝野莫不哀傷

○世祖求南人有才者甚急宋降將王積翁薦文天祥天

祥曰國亡吾分一死耳倘緣寬得以黃冠歸故鄉他日以

方外備顧問可也補八月繫日本諸將弃師於海島而還

許魯齋卒

黃冠歸故鄉

焚毀道書

初帝屢遣使往通日本不納乃命鳳州經略使忻都伐之無功而還復遣禮部侍郎杜世忠等使其國亦不報且執世忠等殺之去歲命右丞相阿剌罕右丞范文虎等率師十萬以往阿剌罕卒于軍於是詔以左丞相阿答海代之未至文虎等已航海至平壺島遇颶風敗舟諸將各擇堅艦乘之遁去棄士卒十餘萬于島眾推張百戶者為帥方伐木作舟為歸計日本覘知之卒眾襲殺殆盡惟餘南人萬餘不殺而奴之未幾得還者財三人補十月焚毀道書

補十九年二月帝如上都憲宗以祖州東濼水北之龍岡為都會之所名曰開平府世祖中統四年以開平府為上都在燕京北八百里補三月益都千戶王著殺左丞相阿合馬於闕下著因人心憤怨阿合馬密鑄大銅鎚與妖

人高和尚謀擊殺之時皇太子從帝如上都而阿合馬留守京師著以太子素惡其姦乃遣二西僧至中書詐稱皇太子還都作佛事復矯太子命俾樞密副使張易發兵夜會東宮易不察遽以兵往時高觴張九思宿衛宮中觴問果何為易附耳語曰太子來誅左相也既而省中遣使出迎悉為偽太子所殺奪其馬入健德門夜二鼓至惠宮前立馬呼省官至前責阿合馬數語著即牽去以所鑄銅鎚碎其腦立斃於是觴九思開門大呼曰此賊也叱衛士急捕之眾奔潰多就擒高和尚逃去惟著挺身請囚時帝在察罕腦兒聞之即遣和禮霍孫等歸討為亂者獲高和尚於高粱河與王著張易皆棄市著臨刑大呼曰王著為天

足不履地

下除害今死矣異日必有為我書其事者帝猶不深知阿合馬姦及詢樞密副使孛羅乃盡得其罪惡始大怒曰王著殺之誠是也命發塚剖其棺戮屍於通玄門外縱犬食之四民聚觀稱快遂窮治其黨神八月帝還大都至元元年八月定都于燕為中都大興府九年改中都曰大都○十二月殺宋少保樞密使信國公文天祥天祥留燕三年坐臥一小樓足不履地帝欲用之天祥不屈議將釋之未幾中山狂夫自稱宋主欲取文丞相帝乃召天祥入諭之曰汝何願天祥曰願賜之一死足矣帝猶未忍左右力贊帝乃詔有司殺于燕京柴市俄有詔使止之至則天祥死矣天祥臨刑殊從容謂東卒曰吾事畢矣南向拜而死年四十七其衣帶中有贊曰孔曰

衣帶中贊成仁取義盡仁至

王磐以詩哭天祥

忠孝之感

成仁孟曰取義惟其義盡所以仁至讀聖賢書所學何事而今而後庶幾無愧南北人聞者皆為流涕翰林學士王磐以詩哭之曰大元不殺文丞相君義臣忠兩得之義似漢王封齒日忠如蜀將斬顏時謂蜀將張飛欲斬嚴顏也精忠貫日華夷見氣節凌霜天地知却恐史書編不到老夫和淚寫新詩有張毅甫者負天祥骸骨歸葬吉州會林某亦自惠州昇天祥母夫人之柩同日而至人以為忠孝所感補天祥為人輩下而兩目炯然博學善論事作文章未嘗起草尤長於詩居獄四年忠義之氣一著於詩歌累數十篇至是兵馬司藉所存上之觀者無不流涕悲補二十一年正月立弘吉刺勤有得其一履者亦寶藏之氏為皇后初弘吉刺之族從太祖起兵有功尋立其女為皇后遂與約曰弘吉刺氏生女世以為后生男世尚公主

故元世諸后多其族焉。六月增給官吏俸從御史中丞崔彧請。十一月相答吾兒等擊緬破之西南夷十二部俱降。二十一年二月遣王積翁使日本未至舟人殺之。○五月故宋太皇太后謝氏殂于燕。十一月詔右丞盧世榮行鈔法世榮入中書自謂其生財有法用其法當賦倍增而民不擾翰林學士董文用曰牧羊者歲兩剪其毛今牧人日剪以獻主者固悅其得毛之多然羊無以避寒熱旣死且盡毛又可得乎民財有限右丞將盡取之得無有日剪其毛之患乎世榮不能對。二十二年二月立真定路宣慰司兼都轉運司領課程事從盧世榮請。十一月盧世榮伏誅初監察御史陳天祥上疏言世榮專大政

恣行苛刻為民擾詔丞相以下雜問其罪復召天祥與世榮親鞫之一一欵服遂命誅之。十二月太子真金卒太子仁孝恭儉明於聽斷中外歸心焉江西行省以歲課羨餘四十七萬貫來獻太子怒曰朝廷但令汝等安百姓百姓安錢糧何患不足盡却之時帝春秋高南臺御史上書請內禪太子聞之憂懼不自安尋卒年四十三。二十三年正月詔罷征日本先是帝憤日本襲殺島中軍命高麗王晷及阿答海領征東行省左丞相率師往擊之詔各路拘集水手及造船五百餘艘民不勝厭苦中丞崔彧昂吉兒等諫之皆不從期以是年三月以次而發八月會於合浦有司徵歛大為姦利東部尚書劉宣上書言近議再興

罷日本之兵

召謝枋得不至

日本之兵此役不息安危所係近征占城交趾三數年間
 東民大擾盜賊蠭興且交趾小邦親王提兵深入無功交
 禮大將况日本海洋萬里非二國比萬一不利援兵安能
 飛渡耶帝納其言遂下詔罷之○召故宋臣謝枋得力辭
 不至時帝訪求南人有才者甚急御史程文海承旨留夢
 炎交章薦之故也補先是使程文海訪求江南人才帝素聞趙孟適葉李名密諭文海必致此二人文海復薦宋宗室趙孟頫及張伯淳等二十餘人帝皆擢用之於是文海又薦宋遺士三十人枋得亦在列枋得方居母喪遺書文海曰某所以不死者以九十三歲之母在耳先此以今年二月考終某自今無意人間事矣公國之大夫不可與圖存李左車猶能言之况稍知詩書頗識義理者乎某之至愚極聞決不可以辱召命亦明矣既而留夢炎亦力薦之於帝枋得復遺書夢炎辨論凡數百言卒不行
 補四月江南兵起廣東民董賢舉浙江民楊鎮龍柳世英循州民鐘明亮各擁眾

謝枋得死

萬餘相繼而起補十月置徵理司遣使鈎考諸路錢穀初尚書平章政事桑哥摘委六部鈎考百司倉庫財穀復以為不專其任遂置徵理司以主之又請以參知政事忻都等十二人理算諸路耗失之數詔從之補二十六年四月福建參政魏天祐執故宋江西招諭使知信州謝枋得至燕不屈死之初天祐誘枋得入城與之言坐而不對或嫚言無禮天祐久不能堪或讓曰封疆之臣當死封疆安仁之敗何不死枋得曰程嬰公孫杵臼二人皆忠趙一存孤一死節一死於十五年之前一死於十五年之後萬世之後皆不失為忠臣王莽篡漢十四年龔勝乃餓死亦不失為忠臣韓退之云蓋棺事始定天祐曰強辭枋得曰昔張

蓋棺事定

儀語蘇秦舍人云。當蘇君時。儀何敢言。今日乃參政之時。枋得復何言。天祐怒。逼之北行。枋得不食二十餘日。不死。乃復食。只茹小蔬菜。積數月。困殆。四月朔。至燕京。五日死。於驛。補枋得至燕。問太后橫所及瀛國所在。再拜慟哭。疾甚。承旨留夢炎使醫持藥。雜米飲進之。枋得怒擲之。地不食五日死。子定之護骸骨歸葬信州。枋得平生無書不讀。為文章高適奇。絕學者師尊之。所著有詩傳註疏。行于世。補以中書右丞相伯顏知樞密院事。將兵鎮和林。統有漢北諸路。置知院。自伯顏始。補帝幸太聖壽萬安寺。詔天下梵寺所貯藏經。集僧誦之。仍給所費。歲為例。補二十七年四月。河北十七郡蝗。八月朔日食。地大震。武平尤甚。地陷黑沙水。涌出。壞官署四百八十間。民居不可勝計。壓溺死傷者數十。

河北地大震

萬人。帝深憂之。乃召集賢翰林兩院官。詢致災之由。議者畏桑哥莫敢指切。時政時桑哥理算天下錢穀。民不聊生。集賢學士趙孟頫入奏於帝。謂須下詔蠲除庶幾天變可弭。帝從之。詔草已具。桑哥怒曰。此必非帝意。孟頫曰。凡錢穀未徵者。其人死已盡。非及是時除免之。他日言事者。儻以失陷歸咎。尚書豈不為丞相深累耶。桑哥悟。遂赦天下民賴稍蘇。補二十八年正月。桑哥以罪免。天下以桑哥鉤考錢穀之故。中外騷動。趙孟頫謂奉御徹里曰。桑哥罪惡甚矣。我等不言。他日何以辭其責。公為上所親信。捐一且之命。為萬姓除殘賊仁者事也。徹里乘間言之。詞語激烈。帝怒。謂其毀譏大臣。命衛士批其頰。血湧口鼻。委頓地。

劉因不召之臣

上少間復呼而問之辨愈力曰臣與桑哥無讐所以力數其罪而不顧身者為國家計耳苟畏聖怒而不言則姦臣何時除民害何時息帝大悟召翰林學士承旨不忽木問之對曰桑哥壅蔽聰明紊亂朝政有言者即誣殺之今百姓失業盜賊蜂起召亂在且夕非亟誅之恐為陛下憂時廷臣言者益眾遂詔臺省相與辨駁之桑哥辭屈遂免桑哥官籍其家得珍寶如內藏之半尋伏誅補能徵理司詔下之日百姓相慶○徵前贊善太夫劉因為集賢學士不補因以疾固辭帝聞之曰古有所謂不召之臣其斯人之徒歟遂不強致之補二十九年六月安南遣使入貢初帝詔鎮南王脫觀等屢擊安南無功還帝怒欲再伐之適其王陳日烜死子日燇襲位不忽木

始置社稷

曰彼山海小夷以天威臨之寧不震懼獸窮則噬勢使之然今若遣使諭之彼宜無不奉命遂以禮部尚書張立道嘗使安南有功復使往立道至安南諭之日燇乃遣其臣何惟巖阮隨立道上表謝罪修歲貢之禮如初且言所以願朝之意時有忌立道之功者言必先朝而後可赦日燇懼卒不至補三十年正月始置社稷至元初已詔歲祀然未立壇壝至是始用崔彥言置之○四月劉因卒因保定容城人天資絕人日記千百言初為經學究訓詁疏釋嘆曰聖人精義殆不止此及得周程邵朱之書一見曰我固謂當有是也評其學之所長曰邵至大也周至精也程至正也朱子極其大盡其精而貫之以正也因性不妄交家

學者稱為靜修先生

伯顏兩字箴

雖甚貧非其義一介不取。隱居教授弟子造其門者隨材器教之皆有成就。所居扁之曰靜修。學者稱為靜修先生。

補六月詔皇孫鐵木耳撫軍北邊。召伯顏還。以玉昔帖木兒代之。時有譖伯顏久居北邊無尺寸之獲者。詔授皇孫以皇太子寶。撫其軍。以太傅玉昔帖木兒輔行。伯顏授以印而行。皇孫舉酒餞之曰。公去何以教我。伯顏舉所酌酒曰。可慎者惟此與女色耳。○三十一年正月帝崩。○在位

年改元者二。曰中統。至元。廟號世祖。國語稱曰薛淨皇帝。梁寅曰。元之有天下。殊方絕域靡不臣服。輿圖之廣。亘古所無。然世祖之約。不以漢人為相。故為相皆國族。而不置諫官。使忠直路塞。文學之士雖世世不乏。而沈於下僚。莫究其用。所賴以為用者。唯東帥而已。其為法如是。是以朝皆苟且之政。而士無謗諤之風。官有貪婪之實。而吏多欺詐之文。將永保萬邦。比隆三代。無乃未之思乎。

皇孫鐵木耳自軍中來奔喪。即皇

帝位

成宗皇帝名鐵木耳。世祖之孫。太子真金第三子也。

補世祖崩

皇孫時在子上都。宗室諸王會于上都。定策之際。親王有違言者。玉昔帖木兒曰。宮車晏駕。神器不可久虛。且昔太子寶。既有所歸。晉王宗盟之長何侯。而不言伯顏。亦握劍立殿。陛宣揚。顧命述所以立皇孫之意。辭色俱厲。諸王皆股栗趨殿下。拜皇孫遂即位。

○元貞元年。太傅錄軍國事大赦。追尊考曰祐宗皇帝。

伯顏卒

補伯顏深沈有謀略。善斷將。二十萬衆伐宋。如將一人。諸將仰之。若神明。還朝。未嘗言功。卒。謚忠武。

○詔易江南諸路天慶觀為玄妙觀。毀所奉宋太祖神主。

補六月。陝西旱饑。行省右丞許辰議發廩賑之。同列以未經奏請不可。辰曰。民為邦本。今饑餒若此。若俟命下無及矣。擅發之罪。吾當任之。遂發粟賑。貸命亦尋下。○大德二

陝西旱饑

年二月。罷中外土木之役。丞相完澤言。歲入之數不償所

費因以節用爲請遂有是命。補三年二月遣僧一山使日本而日本竟不至。補四年二月皇太后弘吉刺氏崩后有賢德事昭睿順聖皇后執婦道甚謹及尊爲太后置徽政院長其財賦院官有受獻浙西田七百頃者后曰我寡居婦人衣食自有餘况江南率土皆國家所有曷敢私之即命盡易院官之受獻者后之弟欲因后求官后拒之曰勿以累我也崩諡徽仁裕聖皇后。補五月平章軍國事不忽木卒初世祖每聞不忽木之言必嘆曰恨卿生晚不得早聞此言然亦吾子孫之福臨終以白璧遺之曰他日持此以見朕也不忽木雖歷顯要而家素貧卒無以葬賜鈔賻之贈魯國公諡文貞。補十二月右丞相完澤因雲南行省

擊西南夷八百媳婦

左丞劉深之言勸帝擊西南夷八百媳婦左丞相哈刺哈孫及御史中丞董士選等諫之不聽竟命深及哈刺帶等將兵二萬以往。補五年五月劉深兵次順元遠冒烟瘴木戰士卒死者已什七八驅民轉餉谿谷之間一夫負粟八斗數十日乃達死者亦數十萬人中外騷然蠻酋宋隆濟蛇節等遂連兵及進攻貴州圍深窮谷中。補十一月劉深兵敗帝始悔不用董士選等之言乃遣劉國傑及楊賽因不花等率兵分道進討諸蠻。補宋隆濟累攻圍貴州不解劉深糧盡道梗不通遂引兵還隆濟復率衆邀之輜重委棄士卒殺傷殆盡御史中丞陳天祥上書諫之不報遂謝病去。補六年三月西南夷烏撒烏蒙東川芑部及武定威

梗塞也

楚普安諸蠻。因蛇節之亂。皆以供輸煩勞。為辭。俱叛。遣陝西行省平章政事也速解等討平之。補七年二月。汰諸司冗員。定中書省自左右丞相而下。平章政事二員。左右丞各一員。參知政事二員。定為八府。補三月。劉國傑敗宋隆濟及蛇節於墨特川。擒斬之。餘黨相繼平。補誅劉深。罷雲南分省。○蘭谿處士金履祥卒。履祥少從學同郡王柏及何基之門。二人蓋得朱熹之傳者。宋將亡。遂絕意進取。屏居金華山中。嘗作通鑑前編。居仁山之下。學者因稱為仁山先生。至正中。賜諡文安。補八年正月。地震平陽尤甚。民居摧毀。皇后召平章政事愛薛。問曰。災異如此。殆下民所致耶。愛薛曰。天地示警。民何與哉。補九年四月。始定郊祀。

金履祥學王柏何基

禮。補六月。立子德壽為皇太子。補八月。西域賈人有獻珍寶。求售者。議以六十萬錠。酌之。省臣有知珠者曰。此所謂押忽大珠也。六十萬酌之。不為過矣。左丞尚文曰。何所用之。答曰。含之。可不渴。熨面。可使目有光。文曰。一人含之。千萬人不渴。則誠寶也。止濟一人。則用已微矣。吾所謂寶者。米粟是也。有之。則百姓安。無之。則天下亂。以功用較之。豈不愈於彼乎。補十二月。太子德壽卒。○十一年正月。帝崩。在位十三年。改元者二。曰元貞。大德。廟號成宗。國語稱曰完澤篤皇帝。史臣曰。帝承天下混一之後。善於守成。惟其末年。連歲。瘵疾。國家政事。內則決於官闈。外則委於大臣。其所以不至廢墜者。則以下世祖未遠。成憲具在。故也。皇姪懷寧王海山。即位。于上都。武宗皇帝名海山。成宗兄答剌麻八剌之長子也。補五月。

愛育黎拔力八達平內難

廢皇后伯岳吾氏殺之誅安西王阿難答及諸王明里帖木兒追尊考曰順宗皇帝尊母弘吉刺氏為皇太后初成海山為懷寧王鎮漠北成宗崩皇后伯岳吾氏以已嘗謀出海山弟愛育黎拔力八達及其母居懷州至是恐懷寧王立必報前怨乃命召安西王阿難答入京師欲立之而左丞相阿忽台及諸王明里帖木兒等陰左右之謀斷海山歸路奉皇后垂簾聽政立安西王輔之右丞相哈刺哈孫不聽衆欲害之未敢發海山適遣人計事京師哈刺哈孫令急還報復遣使南迎愛育黎拔力八達于懷州愛育黎拔力八達疑未行其傅李孟曰今官車晏駕大太子遠在萬里殿下當急還宮廷以安人心於是乃奉其母還大都安西之黨見愛育黎拔力八達既至遂謀僞賀其生辰因以舉事哈刺哈孫許之夜遣人啓愛育黎拔力八達曰懷寧王遠不能猝至恐變生不測當先事而發愛育黎拔力八達遂定計乃先率衛士入內稱懷寧王遣使召安西計事至即斧諸王明里帖木兒執之械送上都收阿忽台等誅之自監國遣使奉璽北迎海山先是海山自按台山至和林諸王勦賊合辭勸進海山曰吾母及弟在木都侯宗親畢會議之愛育黎拔力八達既平內難侍其母來會于上都海山遂即位補六月立弟愛

加封孔子大成至聖文宣王

育黎拔力八達為皇太子○七月加封孔子為大成至聖文宣王詔曰蓋聞先孔子而聖者非孔子無以明後孔子而聖者非孔子無以法於戲父子之親君臣之義永為聖教之尊天地之大日月之明奚罄名言之妙翰林承旨閻復之辭也○詔行世祖所行條格中書省臣言法者譬之權衡不可偏重律令者治國急務當以時損益未可輕議請自世祖即位以來所行條格校議歸一遵而行之制曰可○丞相答剌罕哈言治道必先守令乃精選定官吏賊罪十二章○至大元年正月以阿沙不花為右丞相帝嘗御五花殿阿沙不花見帝顏色日悴乃進曰八珍之味不知御萬金之身不知愛惟麴蘖是好姬嬪是耽是猶兩

法者譬權衡

治道先守令

兩芥伐孤樹

帝比昵番僧

斧伐孤樹。未有不顛仆者。帝喜曰。非卿孰爲朕言。因命進酒。又頓首曰。臣方欲陛下節飲而反勸之。是臣之言不信於陛下也。臣不敢奉詔。左右皆賀。帝得直臣。遂拜右相。○帝比昵番僧愛之。其在上都者。疆市民薪民訴于留守李璧。璧方詢其由。僧已率其黨持白挺突入公府。隔案引璧髮。捽諸地。捶朴交下。拽歸閉諸空室。久乃得脫。奔訴于朝。僧竟遇赦免。未幾。其徒龔柯等與諸王合兒入刺。妃爭道。拉妃墮車。毆之。語侵帝事。聞亦釋不問。時宣政院方奉旨言毆西僧者。斷其手。詈者截其舌。皇太子聞之。亟上言此法昔所未有。遂寢其令。○補六月。加宦者李邦寧太司徒兼左丞相。邦寧在宋爲黃門。初從瀛國公入。見世祖。留給事。

內庭。至是帝欲以爲江浙平章。辭曰。臣以閹腐餘命。前朝赦而用之。使承乏中涓。今陛下復欲置臣宰輔。夫宰輔者。佐天子共治天下者也。奈何辱以寺人。陛下縱不臣。惜如天下後世。何誠不敢奉詔。帝大悅。有此命。仍領大醫院事。○補三年正月。徵李孟入見。以爲平章政事。同知樞密院事。孟嘗爲太子傅。有功。後逃去。有謗于帝者。曰。內難初定時。孟勸皇太子自取帝弗之信。一日太子侍內宴。忽戚然改容。帝曰。吾弟何不樂。太子從容起謝曰。賴天地祖宗神靈。神器有歸。然成今日母子兄弟之懽者。李道復之功居多。適思之。不自知其變於色也。帝卽命搜訪之。得于許昌。徑山召見。於是此命。○四年正月。帝崩。○在位四年。改元。號。

武宗因諱稱曰曲律皇帝皇太子愛育黎拔力八達即皇帝位

仁宗皇帝名愛育黎拔力八達順宗次子武宗同母弟也
帝天性慈孝聰明恭儉通達儒術愛養民力孜孜為治
正月帝以太師脫虎脫等變亂舊章流毒百姓凡誤國者
欲悉按誅之延慶使楊朶兒只諫曰為政而首尚殺非常
王治也帝感其言特誅其尤者脫虎脫三寶奴樂實保八
王罷流也哥鐵木兒于海南既而御史言脫虎脫等既正
典刑而黨附之徒布在百司宜加罷黜從之補罷城中都
武宗末年司徒蕭珍城中都微功毒民於是追奪其符印
令百司禁錮之凡中都所括民田悉還之民補召先朝諳
知政務老臣程鵬飛董士選李謙張驢陳天祥尚文劉正

召先朝諳知政務老臣

學校人才所自出

郝天挺董士珍蕭與劉敏中王思廉韓從益趙君信程文
海十五人詣闕同議庶政補三月帝即位大赦初帝在東
宮李邦寧知丞相三寶奴等畏帝英明乘間言于武宗曰
陛下富于春秋皇子漸長父作子述古之道也未聞有子
而立弟者武宗不悅曰朕志已定汝自往東宮言之邦寧
慚懼而退及帝即位左右咸請誅之帝曰帝王曆數自有
天命其言何足介懷○四月命中書平章李孟領國子學
諭之曰學校人才所自出卿等宜數詣國學課試諸生勉
其德業孟潞州上黨人貫通經史善論古今治亂其家居
授徒遠近爭從之郭彥通常稱孟有宰輔之器○帝御便
殿李孟進言曰陛下御極物價頓減方知聖人教化之速

聖人教化之速

敢以為賀帝蹙然曰。御等能竭力贊襄使兆民苟安庶幾天心克享至於秋成尙未可必。今朕踐祚曾未踰月寧有物價頓減之理。此言非所賴也。孟愧謝。○六月帝讀貞觀政要諭侍臣曰。此書有益子國家其譯以國語刊行俾國人皆誦習之。又嘗有進大學衍義者。帝曰。治天下此書足矣。因命譯刊以賜臣下。○補。閏七月賜李孟爵秦國公。初帝居懷州深見吏弊既即位欲痛剷除之。孟曰。吏當有賢者在激厲之而已。帝曰。卿者儒者宜與此曹氣類不合。而曲為保護如此。真長者之言也。孟在政府嘗因間乞解罷政權。帝曰。朕在位必卿在中書。朕與卿相與終始。自今其勿復言。○皇慶元年正月。帝諭中書省臣曰。人言御史臺任

重朕謂國史院尤重御史臺是一時公論。國史院是萬世公論也。○補。時朝廷封拜繁多羣臣無功而受王公之爵者前後相繼。於是誠左右勤職業勿妄僥倖乞加官。○二年二月。帝諭羣臣曰。田田以寶玉鬻於官。朕思此物何足為寶。惟善人乃可為寶。善人用則百姓安。茲國家所宜寶也。○補。六月詔以周敦頤張載邵雍司馬光朱熹張栻呂祖謙許衡並從祀孔子廟庭。○御史中丞郝天挺上疏論時政。陳七事曰。惜名爵抑浮廢止括田久任使論好事獎農務本勵學養士。帝嘉納詔中書舉行之。○李孟言人君之柄在刑賞。賞一善而天下勸。罰一惡而天下懲。所施失當何以為治。又言貴賤有章。所以定民志。賜予有節。所以勸臣

詔行科舉

京師大旱疫

下請各為之限制帝皆從之○江浙行省以新安儒士程復心所著四書集註章圖纂釋來上詔擢用之復心辭不受○十月以行科舉詔天下期以明年八月天下郡縣舉其賢者充貢有司次年二月會試京師中選者親策帝謂近臣曰朕所願者安百姓以之子廷賜以及第出身圖至治然非用儒士何以至此設科取士庶得真儒之用而治道可興也補二年三月進士護都沓兒張起巖等五十六人及第出身十一月京師大旱疫帝問弭災之道翰林學士程鉅夫舉湯禱桑林事以對帝嘆曰此實朕之責也赤子何罪治書侍御史尉遲德誠亦上言西僧以作佛事疎放罪囚以為祈禱奴婢殺主妻妾殺夫皆獲夤緣以免實紊典常必欲修政以答天譴夫豈有先於此者哉補延祐元年六月勅自今帝

定官民車服等第

郭守敬天文度越千古

趙子昂為翰林學士承旨

趙子昂為翰林學士承旨

者勿得授文階補十二月帝以士民靡麗相尚僭禮費財命中書省定官民車服等第惟蒙古及怯薛諸色人不禁然亦不許服龍鳳文補二年五月疾風電雹成紀縣北山南移至西河川次日再移平地突出土阜高者二三丈陷沒民居補十一月立武宗子和世竦為周王出鎮雲南初武宗既立帝為太子丞相三寶奴及康里脫脫等復勸立和世竦丞相鐵木迭兒欲微寵請立皇子碩德八剌又與太后幸臣朱烈門諸王於兩宮遂封為周王○三年三月太史令郭守敬卒守敬之學長於天文水利太史令主恂以學自負每見守敬制度精巧深嘆服之王禕曰自宋以來水利之故不講議矣守敬獨能任其絕學度越往古以成一代之制也○十月以趙孟頫為

翰林學士承旨帝在東宮素知其名及即位召除集賢學士至是拜翰林學士承旨有間之者言國史不宜令孟頫與帝曰子昂世祖所簡拔朕置之館閣使典述作傳之後世此屬收何也復厚賜之補十一月和世琜次延安其臣秃忽魯及武宗舊臣教化等謀曰天下者我武宗之天下也王之出鎮本非上意由讒構致然請聞之朝廷庶可杜塞離間遂與陝西丞相阿思罕平章塔察兒西臺大夫脫里伯中丞脫歡發關中兵分道自潼關河中府入已而答察兒背約襲殺阿思罕教化補和世琜乃走漠北補十二月立子碩德八剌為皇太子補四年六月右丞相鐵木迭兒恃勢貪虐兇穢滋甚中外切齒平章政事蕭拜住稍牽

和世琜走漠北

制之中丞楊桑兒只及內外御史凡四十餘人共劾其桀黠貪欺上罔下誤國之罪又在桑哥附合馬之上四海嫉憤咸願車裂斬首以快人心奏上帝震怒鐵木迭兒懼逃匿太后宮帝不忍傷太后意但罷其相位補七月帝出見衛士有弊衣者駐馬問之對曰戍守邊鎮踰十五年以故貧耳帝曰此輩久勞於外留守臣未嘗以聞非朕親見何由知之因命賜之錢帛補五年太司農賈住等進司農丞苗好謙所撰栽桑圖說帝曰農桑衣食之本此圖甚善命刊印千帙散之民間補二月寫金字佛經共糜金三千九百兩補六年四月鐵木迭兒家居未逾年復夤緣起為太子太師中外聞之莫不驚駭時御史中丞趙世延論其

苗好謙栽桑圖說

政 詔太子參決朝

不法數十事。并內外劾其不可輔導。東宮者又四十餘人。然以太后之故。皆不聽。補十一月。詔太子參決朝政。帝嘗顧侍臣曰。卿等以朕居帝位。為安耶。朕惟祖宗創業艱難。恒懼不能守成。使百姓樂得其所。朕念慮在茲。卿等固不知也。至是復語左右曰。前代皆有太上皇之號。今太子且長。可居大位。朕欲為太上皇。與若等游觀西山。以終天年。羣臣皆稱善。右司郎中月魯帖木兒曰。臣聞昔所謂太上皇若唐玄宗。宋徽宗。皆當禍亂不得已而為之。願陛下正大位。保無疆之業。前代虛名何足慕哉。帝乃止。○七年正月。帝崩。補在位九年。改元者二。曰阜慶。延祐。廟號仁宗。國語稱曰普顏篤皇帝。帝天性恭儉。通達儒術。兼曉釋典。不事游畋。不喜征伐。不崇貨利。事阜太后終身不違顏色。待宗戚勳舊。始終以禮。大臣親老時。加恩賚。大官進

膳必分賜。貴近有司奏大辟。每慘惻。移時。其孜孜為治。一遵世祖成憲云。 皇帝位。英宗皇帝名碩德八剌。仁宗嫡子也。天資至孝。仁宗不豫。每夜焚香泣告于天。願以身代。及即位。用法無私。果於誅殺。補仁宗崩方四日。鐵木迭兒遂以太后命復入中書。以蕭拜住及朶兒只嘗攻其奸惡。欲報之。召二人罪以違太后旨殺之。又以李孟初不附已。讒構於帝。盡奪其前後封拜制命。又怨上都留守賀勝嘗發冤獄殺之。藉其家日思報復。仇怨誅戮不已。又徵理在京錢穀虧耗者。及諸路歲貢幣帛稍訛者。俱責償所司。程督嚴刻。怨讟復興。帝不能制。加之太師尋詔中外母沮議之。○翰林學士忽魯兒。

賈本七月也。皇曆卷之二十一。二十。

譯進宋儒真德秀大學衍義帝曰修身治國無踰此書賜鈔五萬貫補二月帝即位大赦補以拜住為平章政事拜住嘗為宿衛長帝在東宮聞其賢召之辭曰嫌疑之際君子所慎我掌天子宿衛而私往來東宮我固得罪亦豈皇太子之福耶卒不往至是由太常禮儀院使擢拜補四月有獻七寶帶者因近臣以進帝曰朕登大位不聞卿等進賢而為人獻帶是以利誘朕也其還之補○至治元年正月帝欲以元夕張燈結綵樓於宮中設宴時居先帝喪參議中書省事張養浩上疏諫帝大怒既而曰非張希孟不敢言即命罷之賜養浩金織幣帛以旌其直補二月勅建西山佛寺甚亟御史觀音保等以歲饑且東作方興上章極

張養浩直諫

諫帝怒殺之又作壽安山寺佛像置中瑞司領之治銅五十萬斤時復遣帝師往西番受戒賜金千兩銀四千餘兩鈔幣各鉅萬補四月遷武宗子圖帖睦爾于瓊州時鐵木迭兒懷私固寵構釁骨肉諸王大臣莫不自危補二年以旱澇民饑故免河間河南陝西十三郡民租之半補八月鐵木迭兒卒帝覺特其權寵乘間肆毒漸踈外之乃任拜住委以心腹鐵木迭兒因稱疾不出遂快快卒於家補○十月以拜住為右丞相遂不置左相帝嘗語拜住曰朕委卿以大任以乃祖木華黎佐太祖安童相世祖卿念祖宗令聞豈有不盡心者乎拜住再拜曰陛下委臣以大任臣有所畏者三畏辱祖宗畏天下事大識見有未盡畏年少不

拜住三畏

繁圓則水圓孟
方則水方

吳澄有德宿儒

克負荷無以報聖恩。惟陛下時加訓飭，幸甚。帝又嘗謂拜
住曰：今亦有如唐魏徵之敢諫者乎？對曰：繁圓則水圓，孟
方則水方。有太宗納諫之君，則有魏徵敢諫之臣。帝善之。
○三年正月，右丞相拜住言：吳澄有德老儒，請徵用之。帝
遂以澄為翰林學士。澄撫州崇仁人，經傳通貫，用力聖賢
之學。成宗元貞初，澄遊龍興。時元明善為行省椽，以文學
自負，嘗問澄易詩書春秋與義，歎曰：吳先生言如探淵海，
遂執弟子禮，終其身。左丞董士選延之家，親執饋食。曰：吳
先生天下士也。澄嘗為學者言：朱子於道問學之功居多，
而陸子靜以尊德性為主。問學不本於德性，其弊必偏於
言論訓釋。故學以德性為本，議者以澄為陸氏之學。補三

鐵失逆謀

月。帝如上都。補六月，追奪鐵木迭兒官爵，籍沒其家貲。○
八月，帝自上都還，駐驛南坡。此夕，御史大夫鐵失等逆謀，
弒帝于行幄，迎皇叔晉王也孫鐵木兒即皇帝，位於龍居

河。○鐵木迭兒既奪爵，籍產。鐵失等以奸黨不自安，帝在

上都，以夜寐不寧，命作佛事，拜住以國用不足，諫止之。

初而懼，誅者復陰誘羣僧言：國當有厄，非作佛事，大赦無

以禳之。拜住叱曰：爾輩不過圖得金帛而已。又欲庶有罪

耶？奸黨聞之，益懼。乃生異謀。至是，車駕自上都南還，駐驛

南坡。是夕，鐵失與知樞密院事也先鐵木兒、諸王按梯不

花等謀逆，以鐵失所領阿速衛兵為外應。鐵失先與前平

章政事赤斤鐵木兒、殺右丞相拜住，而鐵失直犯禁幄，手
弒帝於卧所。時年二十一。帝在位四年。改元者一。曰至治。
廟號英宗。國語稱曰格堅皇帝。帝性剛明，嘗以地震避殿，
撤樂，咸膳。近臣有稱觴賀者，叱曰：朕方修德，不暇汝為大
臣，不能匡輔，反為諸耶。拜住進曰：咎在臣等，宜求賢自代。
帝曰：母多遜。朕之過也。嘗謂宰執曰：中書選人，畧事旬日，
御史臺即改除之。臺除者，中書亦然。今山林遺逸良多，卿
等不能盡心求訪，惟以親戚故舊，更相引用耶。其
明斷多類此。然以果於刑戮，奸黨畏誅，遂構大變。

泰定皇帝名也孫鐵木兒晉王甘麻刺之長子裕宗世祖太子

真之嫡孫初襲封晉王及英宗遇弒以支庶入繼大統補

王鎮北邊初王府內史倒刺沙得幸於王嘗偵伺朝廷事

機以其子哈散事丞相拜住得入宿衛久之哈散知鐵木

兒欲願害拜住遂脫歸是年三月宣徽使探忒來王邸為倒

刺沙言主上將不利於晉王由是二人深相要結八月一

日鐵木兒密遣韓羅思來告曰我與哈散也先鐵木兒先

兒謀已定事成推立王為皇帝於是王命囚韓羅思遣別

列迷失等赴上都以密謀告變未至帝遇弒諸王按梯不

花及也先鐵木兒奉皇帝璽綬來迎王遂即位於龍居河

大赦補○九月帝誅逆賊鐵失等於燕都並戮子孫籍家產

天下補○九月帝誅逆賊鐵失等於燕都並戮子孫籍家產

都御大明殿受諸王百官朝賀補追尊考晉王為顯宗皇

帝既即位也先鐵木兒為右丞相鐵失知樞密院事

諸王買奴言於帝曰不誅元凶則陛下善名不著天下後

世何從而知帝深然之於是誅也先鐵木兒等於行在所

命旭邁傑初澤入京師收鐵失及其黨赤斤鐵木兒等悉

誅之戮其子孫籍沒家產流諸王月魯鐵木兒按梯不花等

于邊地餘黨俱免官○十月帝至大

都御大明殿受諸王百官朝賀補追尊考晉王為顯宗皇

帝母弘吉刺氏為皇后補封買奴為泰寧王倒刺沙左丞

相○泰定元年二月浙汪行省左丞趙簡請開經筵擇師

傳命太子及諸王大臣子孫受學遂命學士吳澄等進講

帝範資治通鑑太學行義貞觀政要諸書○二年六月中

書參政左塔不台言大臣兼領軍務前古所無鐵失以御

史大夫也先帖木兒以知樞密院事皆領衛兵如虎而翼

放生逆謀自今軍務之職乞母以大臣領之庶勸舊之家

得以保全從之○致和元年二月帝如上都命僉樞密院

事燕帖木兒等居守○七月帝殂于上都文宗不為立廟

定帝補在位五年改元者二曰泰定致和王禕曰武宗以

開經筵

如虎而翼

晉邸非所宜立。雖然晉王於世祖孫也。於次為長。雖守藩服。嘗有盟書。今而國統之非繼。則求所當立者。舍晉王之系將誰屬耶。然則謂晉邸非所宜立者。亦過也。舊傳英宗之弒。晉邸與聞。子故其沒。不舉請謚。升祔之典。明其為賊也。然考之實錄。皆不得其。實傳聞之謬。烏可信哉。

明宗皇帝名和世球。武宗長子也。初武宗殂。躬仁宗立。約以次傳于帝。延祐三年。議建儲嗣。時丞相鐵木迭兒欲固位。取寵乃議立英宗為太子。又譖帝於兩宮。謂仁宗及母太后封帝為周王。出鎮雲南。逃在漠北。逮泰定帝。殂皇后。木罕氏。皇太子阿速吉八遣使詣燕都。收印章。時僉樞密院事。燕帖木兒遂謀義舉。大會羣臣。令曰。武皇有子二人。謂周王也。大統所在。當迎立之。不從者死。以帝遠在沙漠。猝未能至。而帝躬懷王時。徙江陵。補泰定元年。召圖帖睦爾于瓊州。封為懷王。出居建康。乃

迎入燕都。懷王固讓曰。大兒在北。以長以德。當有天下。燕帖木兒曰。人心向背之機。間不容髮。一或失之。噬臍無及。○九月。懷王襲皇帝位。改元天曆。明告中外。以攝位之意。是為文宗。倒刺沙在上都。已立皇太子為帝。時年九歲。遣兵分道攻燕都。敗績。齊王月魯帖木兒等以兵圍上都。倒刺沙奉皇帝寶出降。泰定嗣帝。不如所終。○十一月。文宗遣使迎周

王和世球于漠北。○天曆二年正月。周王還至和寧之北。遂稱帝。是為明帝。○三月。文宗遣右丞相燕帖木兒奉皇帝寶。赴漠北。○四月。帝遣使立文宗為皇太子。○六月。皇太子發京北迎帝。○八月。帝次于旺忽察都。皇太子入見。帝暴殂。皇太子襲位于上都。補胡粹中曰。聞之故老。言燕帖木兒奉寶上。擊殺明宗。徠官有不為之。

禮者燕帖水兒且怒且懼既而帝暴崩燕帖水兒聞哭聲即奔入帳中取寶璽扶文宗上馬南馳水史乃言皇太子入哭盡哀燕帖水兒以皇后命奉皇帝寶璽授太子其說不合豈當時忌諱有不敢明言之者歟

張養浩書三卷

經世大典

文宗皇帝名圖帖睦爾武宗次子明宗之弟也初封懷王出鎮建康及泰定帝崩大臣迎立帝帝讓兄明宗明宗崩復登大寶○九月西臺御史中丞張養浩卒養浩濟西人自幼有行義勤學業嘗著書三卷一曰廟堂忠告二曰風憲忠告三曰牧民忠告言居官之道○命翰林奎章諸儒臣準唐宋會要輯本朝典故名曰經世大典○至順元年二月立明宗子懿璘質班為郕王○補四月皇后弘吉刺氏與宦者拜住謀殺明宗皇后八不沙○補帝以燕帖水兒有大功欲獨相以尊異之乃為右丞相罷置左丞相相知拒辭

范梈可方東漢諸君子

院關微伯脫脫木兒等十二人以其權勢崇重欲謀誅之也的迷失脫迷以變告按問並棄市籍其家○湖南嶺北道經歷范梈棹清江人天資穎異雖癯然清寒若不勝衣而卓然自樹於流俗表家居養親固窮守節賦詩工文用力精詣朝臣薦為翰林編修秩滿除海南海北道廉訪司照磨巡歷遐僻風波瘴癘無所忌憚所至興學教民雪理冤滯吳澄誌其墓以為特立獨行之士可方東漢諸君子○補十一月立燕王阿剌忒納答剌為太子尋卒○補二年六月翰林學士吳澄卒澄泰定間謝病歸臨川四方從學者恒數百人著書至將終不輟有易春秋禮記纂言及校定皇極經世書大戴禮等書卒贈臨川郡公謚文正○補八

月詔皇子古刺答納出居燕帖木兒家更名燕帖古思補

十一月詔養燕帖木兒之子塔刺海為子賜居第貲產補

三年四月安西王阿難荅之子月魯帖木兒謀不軌事覺

其黨皆伏誅補五月帝如上都補八月帝崩于上都補在

年改元者二曰天曆辛順廟號皇姪懿璘質班即皇帝位補

寧宗皇帝名懿璘質班明宗次子也文宗崩子幼遺命立

帝補文宗崩于上都帝留守京師燕帖木兒請皇太后命立帝年甫七歲百司廢務咸啓

進止補在位兩月而崩補廟號寧宗王禕曰寧宗之立雖

皇太后取補母后權臣利於立幼抑文宗顧命

含其子而立兄子是不可謂非公天下之心也然皇兄安

順皇帝名妥懽帖睦爾明宗長子也文宗時被讒出居廣

權帖睦爾即皇帝位

西寧宗崩登太寶補初太祖取西北諸國阿兒斯蘭率衆

孫納罕祿魯氏女曰邁來的生帝至順初明宗后遇害遂

徙之高麗使居大青島中尋詔天下言明宗在時素謂非

其子移于廣西之靜江寧宗崩燕帖木兒復請立燕帖古

思皇太后曰吾子尚幼妥懽帖睦爾在廣西今年十三矣

且明宗長子於理當立補元統元年三月燕帖木兒死燕

帖木兒自兼權以來肆行無忌一宴或宰十三馬取奉定

后為夫人前後尚宗室女四十人有交禮三日遠遣歸者

後房充斥不能盡識一日宴平章政事趙世延宅男女列

坐見坐隅一婦甚麗意欲與俱歸顧左右曰此為誰對曰

大師家人也自後荒淫日甚體羸瀕血而死補六月帝即

位于上都初帝至自靜江百官具鹵簿迎于良鄉燕帖木

兒既見並馬徐行具陳迎立之意帝幼且畏之一無所答

燕帖木兒疑其意不可測故至京久不得立適太史亦言其立則天下亂用是議未能決遷延者數月燕帖木兒死太后乃與大臣定議立之且約後當傳于燕帖古思若武宋仁宗故事補以伯顏為大師右丞相撒敦太傅左丞相時有阿魯輝帖木兒者明宗親臣也言于帝曰天下事重宜委宰相決之庶可責其成功若躬自聽斷必負惡名帝然之由是深居宮中每事決於宰相補八月立皇后伯牙吾氏后燕帖木兒之女○十月封撒敦榮王唐其勢襲封太平王唐其勢燕帖木兒子也○二年正月朔雨血干汴梁著衣皆赤補五月撒敦罷六月復以為左丞相尋卒補三年六月唐其勢反時撒敦已死伯顏獨秉政唐其勢忿

曰天下我家天下伯顏何人而位吾上遂與其叔父旬容郡王答鄰答里潛蓄異心謀立諸上晃火帖木兒或發其謀唐其勢伏兵東郊率勇士突入宮伯顏及完者帖木兒等掩捕獲唐其勢誅之其弟塔刺海走匿皇后座下后蔽之以衣左右曳出斬之血濺后衣伯顏奏並執后后呼帝曰陛下救我帝曰女兄弟為逆豈能相救乃遷出宮伯顏尋執之于開平民舍晃火帖木兒自殺補九月減宦者御史臺臣言國初宦官不過數十人今內府執事不下千餘乞依舊例裁減冗濫以廣仁愛之心省糜費之患從之補十一月詔改元統三年為至元元年帝以世祖皇帝在位長久欲祖述之監察御史李好文言年號襲舊於古未聞

襲其名而不蹈其實。未見有益。因言時弊。不如至元者十
 餘事。不報。至元三年正月。帝敗于柳林。九三十五日。補
 廣東朱光卿。與其黨石昆山。鍾大明。聚眾反。稱大金國。改
 元赤符。河南。棒胡亦舉兵反。二月。定服色器皿。輿馬之
 制。時服飾上下無別。帝初禁民間服麒麟鸞鳳白兔靈芝
 雙角五爪龍八龍九龍萬壽字赭黃等服。至是復詔定其
 制。尋禁倡優盛服。及戴笠乘馬。○婺州路總管府以金華
 儒士金履祥所著論語孟子考證來上。命刊行之。其門人
 東陽許謙序之曰。聖賢之心。盡在四書。而四書之義。備於
 朱子。顧其立言辭約意廣。讀者或得其粗而不能悉究其
 義。或以一偏之致自異。而初不知未離其範圍。世之詆訾

論孟考證聖賢之心盡在四書

白雲許氏儒學理一而分殊

聖人之道中而已。為學若五味之在和。

質亂發為新奇者。其弊正在此耳。此金先生考證之所由
 作也。○十一月。金華處士許謙卒。初謙聞仁山金履祥講
 道蘭江上。委已而學焉。履祥告之曰。吾儒之學。理一而分
 殊。理不患其不一。所難者分殊耳。謙由是致其辨於分之
 事。事求夫中者而用之。初履祥謂謙曰。士之為學。若五味
 之在和。醯鹽既和。則酸鹹頓變。子來見我三日矣。猶夫人
 也。豈吾之學無以感發於子耶。謙聞之惕然。居數年。盡得
 所傳之妙。及履祥既沒。謙益肆充闡。多所自得。自謂吾非
 有大過人。惟為學之功無間斷耳。平生制行甚嚴。而所以
 應世。不膠於古。不流於俗。介而不僞。通而不隨。屏跡入華

教人以五性人倫爲本

山中學者翕然羸糧筭書而從謙之教人以五性人倫爲本以開明心術變化氣質爲先以爲己爲立心之要以分辨義利爲處事之制情者作之銳者抑之拘者開之放者約之爲師四十年隨其才分咸有所得。補五年十一月詔以伯顏爲大丞相伯顏旣誅唐其勢獨秉國鈞專權自恣構陷郊王徹徹篤奏賜死帝未允輒傳旨殺之又奏貶宣讓王帖木兒不花威順主寬徹普化不俟命卽遣之帝爲之遂不平。補六年二月伯顏所養象之子脫脫見伯顏變亂成憲虐害天下漸有異謀深憂之私請於父馬札兒台曰伯父驕縱已甚萬一天子震怒則吾族赤矣曷若於未敗圖之其父亦以爲然脫脫復質於師吳直方直方曰傳

有之大義滅親木夫但知忠於國爾餘復何顧一日見帝乘間自陳忘家殉國之意帝猶未之信時帝左右皆伯顏之黨獨世傑班阿魯爲帝腹心乃遣二人與脫脫游日以忠義之言相與往復辯論益悉其心靡他遂聞于帝帝始信之一日泣語脫脫脫脫亦泣下遂與世傑班等謀欲僦伯顏入朝擒之一日伯顏請帝出畋脫脫勸帝稱疾不往伯顏固請乃命太子燕帖古忠出次柳林脫脫與世傑班阿魯合謀拘京城門鑰命所親信列布城門下是夜奉帝居王德殿遣怯薛月可察兒率三十騎抵營中取太子入城數伯顏罪狀出爲河南行省左丞相伯顏奏乞陸辭不許道出真定父老奉觴酒以進伯顏曰爾曹見子殺父事

乎對曰不曾見子殺父惟聞有臣弑君伯顏俛首有慚色
 既而帝以伯顏罪重罰輕復降詔安置南恩州陽春縣行
 次江西隆興驛病死○六月撒文宗廟主從太皇太后文宗
 之於東安州安置於太子燕帖古思於高麗殺諸途補詔
 武宗升遐太后惑於儉慝俾皇考出封雲南英宗遇害我
 皇考以武宗之嫡逃居沙漠宗王大臣同心翊戴于時以
 地近先迎文宗暫總機務繼知天理人倫所在假讓位之
 名以寶璽來上皇考推誠不疑即立為皇太子而乃當躬
 逆之際與其臣月魯不花也里牙明里董阿等謀為不軌
 使我皇考飲恨上賓歸而再御宸極又私圖傳子嫁禍于
 入不沙皇后謂朕非明宗之子出居遐陬上天不佑隨降
 殛罰叔姪不吝失里忤其勢燭舍長嫡而立次幼奄復不
 年諸王大臣以賢以長扶朕踐祚賴天之靈權奸屏黜永
 惟鞠育罔極之恩忍忘不共戴天之義其命太常撤去圖
 帖睦爾在廟之主不吝失里削去皇太后之號從東安州
 安置燕帖古思放諸高麗當時賊臣月魯不花等已死其
 以明里董阿明正典刑時監察御史崔敬言文宗既撤廟
 主燔母亦削鴻名盡考正名斯亦足矣惟念皇弟燕帖古

吳萊善論文
 作文如用兵

巉巉進比于圖

思年幼播遷天理人情有所不忍方先皇卜賓皇弟尚在
 襁褓未有知識義當矜閔常人有百金之產尚置義田以
 叔養宗族陛下富有四海乃以同氣之人置之度外賄笑
 他邦取辱中國儻生他變關係非輕臣願殺身以贖皇弟
 之罪伏望陛下迎歸太后母子以盡骨肉之義書奏
 不報未幾太后崩于東安州燕帖古思遇害于中道○
 士吳萊卒直方萊不仕居深蓁山中蓁音鳥山在金華清江縣窮經史
 以著述為務善論文嘗云作文如用兵兵有正有奇正者
 法度如部伍分明是也奇者不為法度所縛千變萬化坐
 作擊刺一時俱起及其欲止部伍各還其隊元不曾亂聞
 者服之○至正元年三月奎章閣學士巉巉音捷侍經筵勸
 帝務學帝欲觀古名畫巉巉取郭忠恕比干圖以進因言
 紂不聽諫遂亡其國一日帝覽宋徽宗畫稱善巉巉進曰
 徽宗多能惟一事不能帝問何一事對曰獨不能為君爾

修宋遼金三史

太平政要策

其身辱國破皆由不能為君也能為君則他非所尚補三
 年三月詔修宋遼金三史命脫脫為都總裁補十一月翰
 林學士揭傒斯卒傒斯豫章豐城人少貧讀書刻苦延祐
 初程鉅夫與盧摯列薦于朝授翰林院編修文宗時嘗進
 太平政要策拜直學士丞相脫脫問政治何先曰儲材為
 先養之於譽望未隆之時用之於周密庶務之後可也補
 六年十二月靖州獠吳天保作亂時湖廣獠俱亂而天保
 勢尤熾寇陷黔陽武岡淑浦諸郡縣有衆六萬餘廣西峒
 獠亦乘隙入寇補七年七月以朱公遷為金華郡學正公
 遷鄱陽人父梧岡翁聞同郡準軒具中行得聞朱子門人
 黃幹之學與廣信饒魯號雙往準軒學焉於是大肆力於

朱公遷道德文章

虞集議學校

試藝之文必先有主意

學道德文章卓然名世所著有詩傳疏義行世補十月治
 江兵起補八年十月吳天保寇全道州補十一月台州方
 國珍作亂聚衆海上補國珍台州黃巖民也與蔡亂頭等
 相讐敵遂入海為亂却掠漕運詔江
 浙參政梁兒只班討捕之追至福州國珍知事危焚舟將
 遁官軍自相驚潰梁兒只班遂被執國珍迫其上招降之
 狀朝廷從之授國珍兄弟以補翰林學士致仕虞集卒集
 官國珍不肯赴勢益猖獗
 宋丞相允文五世孫也嘗議學校曰今天下學官以資格
 授強加之諸生之上而欲望師道之立可乎為今之計莫
 若使守令求經明行修者身師尊之庶可以觀感而化矣
 其考進士試則語同列曰五經傳註各有主意將以一道
 德同風俗非欲使學者專門擅業如近代五經學究之固
 陋也試藝之文推其高者取之不必先有主意若主意先

論海運

定則求賢之心狹而差自此始矣其論海運糧曰東南運糧實竭民力今京師東瀕海數千里北極遼海南瀕青齊菑葦之場也而海潮日至淤為沃壤宜用浙人之法築堤捍水為田聽富民欲官者合其眾分以地官定其畔以萬夫畊命為萬夫長以千夫畊命為千夫長三年而征其稅如是則東南民數萬可以衛京師可以防島夷可以省海運矣時異議者多事竟寢集學博洽而究極本源其經綸之妙一寓於文素孝友與弟繁構書舍為二室左室書陶淵明詩於壁題曰陶菴右室書邵堯夫詩於壁題曰邵菴故稱集為邵菴先生○寧國府推官楊載卒載杭州人以大臣薦為翰林編修遷寧國府推官載之文章一以氣為

陶菴邵菴

楊載文章以氣為主

楊載文章以氣為主

主自成一家言而於詩尤有法嘗語學者曰詩當取材於楚漢而音節以唐人為宗范楊虞揭俱為一代文章之巨擘而載之詩變宋末陋習尤居范楊虞揭之先者也補九年四月棗陽民張氏婦生子甫及周歲暴長四尺許容貌異常皤腹擁腫見人嬉笑如世俗所畫布袋和尚云補十年十二月方國珍攻温州補十一年四月黃河決丞相脫脫集羣臣廷議漕運使賈魯曰必塞北河疏南河使復故道工部尚書成遵以為河之故道斷不可復且曰山東連歉民不聊生若聚二十萬眾於此地恐他日之憂又有重於河患者脫脫先人魯言不聽自辰至酉論辨終莫能入明日執政謂遵曰修河之役丞相意已定公勿多言遵曰

成遵論修河

河南北童謠

劉福通作亂

腕可斷。議不可易。遂出遵河間鹽運使命。魯開黃河故道。發河南北兵民十七萬。興功凡五閱月。諸埽堤成。河復故道。超授魯集賢太學士。先是河南北童謠云。石人一隻眼。挑動黃河天下反。及魯治河。果於黃陵岡得石人。一眼而汝穎之兵起。宋濂曰。議者往往謂天下之亂。皆由賈魯治河之役。勞民動衆之所致。殊不知元之所以亡者。紀綱廢弛。風俗偷薄。其致亂之階。非一朝一夕之故也。使魯不興是役。天下之亂。詎無從而起乎。○五月。穎州屬真定府妖人劉福通作亂。以紅巾為號。陷穎州。初。欒城韓山童祖父。以白蓮會燒香惑衆。至山童倡言。天下大亂。彌勒佛下生。河南及江淮愚民。翕然信之。福通復妖言。謂山童當為中國主。欲同起兵作亂。事覺。縣官捕之急。福通遂反。山童就擒。其妻楊氏及子韓林兒逃之。武安補福通黨

徐壽輝妖術聚眾

脫脫征徐州

盛不可制。攻破穎州。遂據赤阜。陷汝寧府及光息二州。衆至十萬。補蕭縣李一號芝蔴李亦以燒香聚衆。與其黨趙均用彭早住攻陷徐州。據之。○蘄州徐壽輝等以妖術聚衆。又亦以紅巾為號。陷蘄水縣及黃州。僭稱帝國。號天完。改元治平。補十月。饒信等路兩。委民多取而食之。補十二年正月。徐壽輝兵破漢陽。諸郡威順。王寬徹普化等棄城走。二月。破江州。總管李黼死之。補定遠郭子興見汝穎兵起。州郡騷動。遂與其黨孫德崖等舉兵。自稱元帥。攻拔濠州。據之。補三月。徐壽輝兵破表瑞饒信徽等州。補命各行省分兵擊諸路作亂者。○八月。命知樞密院事咬咬等從丞相脫脫征徐州。脫脫將出師。尚書密邇麻和謨等上言。大臣天子之股肱。中書庶政之

張士誠作亂

根本不可以一白離乞詔留賢相弼亮天子如此則內外
有兼治之宜社稷有倚重之寄不報遂詔脫脫總制諸路
軍馬凡爵賞誅殺悉聽便宜從事至徐州攻其西門破之
芝蘇李遁去趙均用彭早住走濠州追擒其將數十人遂
屠其城補徐州既下脫脫命賈魯追擊趙均用彭早住于
濠州均用與郭子興孫德崖拒守會魯死兵解早住均用
遂據濠城稱王子興等反屈已下之遂為所制既而早住
死均用益自專○十三年五月泰州民張士誠作亂補士
州白駒場人為鹽場綱司牙僧與弟士德士信補泰州及
俱以取鹽緣為奸利性輕財好施頗得衆心
高郵據之僭號大周自稱誠王建元天祐補士誠陷泰州
府李齊招降被留久之誠自相戕始縱齊來歸士誠遂
據高郵僭號已而有詔詔之使至不得入賊給言請李知

房中運氣之術

天魔舞

府來乃受命齊往雖辨一百端而士誠本無降意士誠呼
齊使跪齊叱曰吾膝如鐵豈為賊屈士誠怒使曳倒搥碎
其膝而高之
○六月立子愛猷識理達臘為皇太子補十月以
方國珍為徽州路治中不受命○十一月平章政事哈麻
乃妹婿亦魯帖木兒等陰進西番僧于帝行房中運氣之
術號演揲兒法演揲兒者漢言大喜樂也又進僧伽璘真善秘密法帝
皆習之時帝在位久怠於政事荒于遊宴以宮女一十六
人按舞名為天魔舞首垂髮數辨戴象牙冠身披瓔珞大
紅銷金長短裙襖各執加巴刺般之器及宮女十一人練
槌髻勒帕常服或用唐帽窄衫所奏樂用龍頭笛管小鼓
箏箏琵琶笙胡琴響板每宮中讚佛則按舞奏樂及以西
番僧為司徒伽璘真為國師各取良家女三四奉之謂之

皆卽元該內苑造龍舟

自製宮漏

供養嘗給帝曰陛下尊富不過保有見世而已人生能幾時當受此秘密大喜樂禪定於是廣聚女子淫戲帝諸弟寵臣皆在前相狎男女裸處號所處曰皆卽元該猶漢言事事無碍也群僧出入禁中醜穢外聞帝又於內苑造龍船首尾長一百二十尺上有五殿龍身并殿宇俱五承金裝日於後宮海子內游戲船行則龍首眼爪尾皆動又自製宮漏約高六七尺為木櫃腰設玉女捧時刻籌時至輒浮水而上左右列二金申神人一懸鐘一懸鉦夜則神人自能按更而擊○十二月郭子興患趙均用之專領所部萬人入據滁州城稱王○十四年六月張士誠攻揚州破之尋陷盱眙及泗州○十一月丞相脫脫督軍征高郵連

削脫脫官爵

明太祖起兵

戰克捷賊勢大蹙平章事哈麻素與脫脫有隙使御史索賽因不花劾脫脫出師三月略無寸功傾國家之財以為已用半朝廷之官以為已隨詔削奪脫脫官爵淮安安置○十五年正月徐壽輝遣其將倪文俊破沔陽○二月劉福通等迎韓林兒立為宋帝號小明王建都亳州國號宋改元龍鳳○三月徐壽輝攻襄陽破之○四月以哈麻為左丞相其弟雪雪為御史大夫於是國家大柄盡歸兄弟矣○六月明太祖起兵自和州渡江取太平路自紅巾倡亂之後南州郡縣多陷沒故太祖從而取之○十一月荅失八都魯擊宋劉福通軍破之福通以其主韓林兒走安豐○十二月哈麻矯詔殺故中書右丞相脫脫于淮安

十六年正月。哈麻雪雪有罪伏誅。哈麻既相以前進西僧為天下士大夫笑為取欲奉帝為太上皇立太子為帝告其父禿魯其妹聞之歸告其夫禿魯帖木兒時禿魯帖木兒專以淫蕩嬖帝恐太子為帝則已必先誅即以聞于帝帝大怒詔安置哈麻惠州雪雪肇州比行皆杖死人快之補徐壽輝據漢陽補二月張士誠入平江據之補三月明太祖帥水陸師克金陵入城召官吏耆老諭曰吾率眾至此為民除亂耳爾宜各安職業民大悅更相慶慰遂攻集慶路為應天府分遣諸將取鎮江廣德皆下之補方國珍降命為海道漕運萬戶補六月彰德李實如黃瓜先是童謠云李生黃瓜民皆家補十七年五月明將徐達常

方國珍降

遇春率兵攻寧國久不下太祖乃親督師既至守臣楊仲英開門請降百戶張文貴殺其妻妾自刎而死補八月宋劉福通攻汴梁遂分兵略地于山東西其勢大振補張士誠寇嘉興屢為行省楊完者所敗乃以書請降許之遂授士誠大尉其弟士德淮南平章補十二月天完將明玉珍

明玉珍據成都

隨州人據成都補蜀中郡縣皆附之補詔天下團結義兵補翰林學士承旨歐陽玄卒玄性度雍容含宏縝密處已儉約居官廉平三任成均兩為祭酒六入翰林三拜承旨修實錄大典三史皆木制作凡制誥多出其手文章道德卓然名世以湖廣行省右丞致仕將歸帝復留之仍為承旨天下已亂平京城寓舍補年八封楚國公諡曰文所著有圭齋集補十

歐陽玄文章道德名世

陳友諒陷安慶
余闕死之

八年正月天完將陳友諒陷安慶補友諒沔陽漁家子嘗為書獻東不樂會徐壽輝倪文俊等起兵慨然往從之初為文俊簿書掾未幾亦領兵為元帥文俊漸專恣謀殺壽輝不果友諒遂襲殺文俊併其軍自稱平章壽輝不能制守將淮南行省右丞余闕死之闕守孤城六年寇至城下輒敗去至是友諒合諸寇來攻羣盜四面蟻集外無一甲之援西門勢尤急闕自當之徒步提戈為士卒先分麾下將督三門之兵自以孤軍血戰斬首無算而闕亦被十餘創城陷闕知不可為引刀自刎墮清水塘中妻耶律氏及子德生女安安甥福童皆赴井死時從死者千餘人其守臣韓建方臥疾罵賊不屈一家同死雖大義感人深亦古今之所罕見者也補三月宋毛貴破濟南路河南行省右丞董搏霄與戰死之補毛貴由河間破薊州遂逼畿甸京師大恐廷臣或勸帝北巡以

避之或勸遷都關陝眾議紛紛獨丞相太平力以為不可遷遂徵四方兵入衛同知樞密院事劉哈刺不花拒戰于柳林貴眾潰退走濟南補四月天完將陳友諒破龍興五月宋劉福通攻汴梁守將竹真出走遂入據其城乃自安豐迎其主韓林兒居之以為都補六月宋將關先生兵破濠州遂大掠塞外諸郡補八月蒙陰縣饑斗米金一斤補九月張士誠殺苗帥楊完者先是江淮既亂議者以為苗兵可用遂自湖廣招至累破士誠兵苗性貪殘好殺所過屠戮士誠為所窘既降欲圖之而江浙丞相達識帖木迺亦厭完者驕橫乃陰定計用士誠兵圍之完者兵敗自殺其部將員成等率所部詣明將李文忠降完者死士誠

宋關先生兵破上都焚官闕

益無所憚尋遣兵據杭州嘉興達識帖木適無如之何矣
補十二月明太祖取務州改務州路為寧越府補宋關先生兵破上都焚官闕帝欲復修之工役大興參議中書省事陳祖仁上疏諫其略曰今四海未靖瘡痍未瘳倉庫告虛財用將竭乃欲驅疲民以供大役廢其耕耨而荒其田畝何異扼其吭而奪之食以速其斃乎陛下追惟祖宗宮闕念茲在茲然不思今日所當興復乃有大於此者願陛下以生養民力為本以恢復天下為務信賞必罰以驅策英雄親正人遠邪佞以圖謀治道夫如是則承平之觀不日咸復詎止上都官闕而已乎疏奏帝嘉納之補兩河山東民以饑疫死者凡二十餘萬補十九年四月趙均用殺

宋毛貴其黨續繼祖執均用殺之補八月陝西平章政事

察罕帖木兒復汴梁宋劉福通以其主韓林兒走安豐補

二十年二月右丞相太平罷先是太子謀內禪諭意太平

太平不答太子惡之去其政柄知樞密院事紐的該聞之

數於帝前左右之以故太子之志未得逞太子又令御史

誣太平所任用成遵趙中賊罪下獄杖殺之太平知勢不

可留乃以病辭位養疾于家臺臣奏留之不允補三月以

糊思監為右丞相時帝益厭政官者朴不花用事為奸利

糊思監因與結構相表裏四方警報將臣功狀皆壅不上

聞卒召禍亂論者謂元之亾二人之罪居多○五月陳友

諒殺其主徐壽輝於太平路遂自稱帝國號漢改元大義

陳友諒稱帝國號漢

補先是友諒率舟師犯太平。挾壽輝以行。及太平既急。謀借竊乃於米石舟中伴使人誦壽輝前自事。令壯士持鐵搥自後擊之。碎其首。壽輝死。友諒遂以米石五通廟為行殿。稱皇帝。○八月。命大同大都

陽翟王犯京畿

督字羅帖木兒守石嶺關。在大原城北。以陝西平章政事察

罕帖木兒守石嶺關以南。故為分之二將相。○十二月。陽翟王阿

魯輝帖木兒擁兵數十萬犯京畿。使來言曰。祖宗付汝以

天下。汝已失其大半。若以國璽付我。當自為之。帝遣報曰。

天命有在。汝欲為則為之。命知樞密院事禿堅帖木兒等

將兵擊之。不克。軍士皆潰。禿堅帖木兒走上都。補陽翟王

里木王七世孫也。時兵起四方。朝廷屢詔宗王以兵南討。陽翟王知國事。不可為。建間舉兵于北邊。○補二

十一年八月。明太祖伐漢。拔汪州。漢主友諒走武昌。補九

月。阿魯輝帖木兒兵逼上都。太子言於帝。令以太平為留

守。實欲置之死地。阿魯輝部將脫驢者。太平子也。先忽都

故將也。引兵縛阿魯輝至軍前。太平不受。送闕下。誅之。太

平終不以爲己功。補明王珍破東川郡縣。○十一月朔。黃

河清。凡三日。補二十二年六月。宋降將田豐殺平章政事

察罕帖木兒。初。察罕帖木兒復汴梁。定河南。復山東。以田

豐據山東。久。軍民服之。乃爲書招之。豐及王七誠皆降。山

東俱平。獨益都孤城不下。至是移兵圍之。大治攻具。諸道

並進。田豐復與王士誠陰謀。刺殺察罕。叛入城。事聞。詔贈

河南行省左丞相。封潁川王。謚忠襄。命其子擴廓帖木兒

代總其兵。擴廓既領兵討賊。誓必復讐。而賊城守益固。乃

穴地道。以入。拔其城。執賊首陳燧頭等二百餘人獻闕。

明玉珍稱帝于成都

下而取田豐王士誠之心以祭其父餘黨皆就誅遂遣兵取莒州山東悉平補二十三年正月明玉珍稱帝于成都建國號曰夏改元天紗初玉珍聞陳友諒弒徐壽輝謀欲討之整兵守夔關不與相通復立廟以祀壽輝自稱隴蜀王分兵克龍州至是遂稱帝補二月擴廓帖木兒引兵還河南補張士誠將呂珍入安豐殺宋劉福通等據其城明太祖率兵擊走之○七月明太祖與漢陳友諒大戰于鄱陽湖友諒敗死補九月張士誠自稱吳王先是士誠雖請降授官而城池甲兵錢穀皆自據如故至是令其部屬自頌功德求王爵不報士誠遂自立為吳王即平江治宮室立官屬朝廷遣使徵糧于士誠士誠不奉自是東南海運

陳友諒敗死

絕補十一月太子惡太傅太平令人劾奏之安置土番尋遣使逼令自裁補十二月宦者朴不花蒙驪內侍太子外結右丞相搠思監驕恣不法治書侍御史陳祖仁上疏諫之忤太子意祖仁復上疏言之極痛切帝大怒時待御史李國鳳亦言二人當斥於是臺臣自老的沙以下皆左遷而出祖仁于甘肅老的沙遂與秃堅帖木兒逃於孛羅帖木兒軍中補二十四年三月右丞相搠思監劾太子旨誣老的沙等不軌収其黨鍛鍊其獄連逮不已帝知其無辜數諭太子寢其事太子不從搠思監朴不花皆附太子必窮究其事又譖秃堅帖木兒誡毀朝政而孛羅帖木兒與秃堅帖木兒友善且知其誣遣人白其非罪太子怒下詔

李羅帖水兒舉
兵向關


削李羅官爵而奪其兵。李羅拒命，遂詔擴廓帖不兒討之。李羅知詔命，調遣搠思監所為，非出帝意，遂舉兵向關。太子迎戰，不利，率侍衛兵東走興松。時京師無備，城中大震，命百官束卒分守，使人即其軍，問故以必得，搠思監朴不花為對，詔慰解之，不聽，乃執二人昇之，遂復李羅官爵，仍守禦木同，乃引軍還木同。既而太子還宮，恚怒不已，發兵討李羅。李羅與禿堅老的沙復大舉向關，前鋒入居庸關。太子親禦敵，清河軍潰奔冀寧。李羅遂專國。○三月，太子在外，日夜謀除內難，乃大發諸路兵分三道而進。李羅大怒，自將拒戰，大敗。李羅失軍，鬱鬱不樂，乃且與老的沙等飲宴，荒淫無度，喜怒不測。九月，威順王之子和尚忿其屢

絳州天鼓鳴

舉兵犯關，無君言于帝，受密旨，結勇士陰圖刺之。老的沙禿堅帖水兒等皆伏誅。帝遣使函李羅首往冀寧，召太子還擴廓帖水兒，遂扈從至京師。○二十六年二月，黃河北徙自東，明曹濮及濟寧民皆被害。○補夏主明主珍卒，子昇立。○補四月，明太祖兵取淮安及湖州諸路。○補十二月，宋主韓林兒卒。○補二十七年正月，絳州天鼓鳴，其聲如空中戰鬪者。○九月，明兵取平江路，執吳王張士誠。○補明太祖既掃除羣雄，撫有江南，乃遣大將軍徐達副將軍常遇春率兵二十五萬北伐中原。○補二十八年正月，明太祖即帝位。閏七月，明師克大都，帝率后妃太子北奔上都元亡。右元自世祖至元十六年己卯，至順帝至正二十七

年丁未。凡十九世。八十九年而亡。

增補元明史略卷之一



特56
24

東 京 圖 書 館				
一	六	一	八	雜
冊	七	〇	八	史
	號	架	函	類
				和書門

003281-000-4

特56-24

增補元明史略

鹿兒島県／刊

M5

ACC-1681

